

大唐故冠軍大將軍行右威衛將軍上柱國金城郡開國公李公墓誌銘

并序

公曰仁德族李氏其先蓋樂浪望族也曰堯臣類馬周史猶龍真裔散

於殊方保姓傳於奕代考甲子皇贈定州別駕天上降成

遠智為甲冑義作干戈談王霸則金火生光說甲兵則旗鼓動色當昔

中宗晏駕韋氏亂常將欲毒梨元危

宗廟公於是義形于色憤起于衷發

左右風趨心冠鷹鷂手刃梟鏡人祇再色

一人以御天功存

社稷膺四廟而列地封固山河是用拜公雲麾將軍行右屯衛翊府中

郎將金城縣開國子食邑三百戶晝巡微道環

殊榮佩紫綬而光寵是用遷公右威衛將軍錫馬承恩一日三見於

天子以爵取貴十卿同祿於諸侯是用加公冠軍大將軍進封開國公

增食二千戶何居昊天不慈哲人其萎山岳收神日月奄壽歎以開元

廿一年正月廿日薨於醴泉里之私第春秋六十有一嗚呼哀哉公履

謙謙杖翼翼不軒裳而恃不江海而閑其生也榮其死也極匪止隣不

相巷不歌寔亦

一百段米粟一百石供喪事也即以其年四月十三日葬於高陽原禮

也南面近郊問三龜而一吉東首顧命滅大樹而小封金玉靡藏誠之

智也琴瑟空置奉之仁也有子二人長曰思敬右驍衛中候次日思讓

右驍衛司階並七日絕漿式五月而葬鴉慕因極宿拜無容防地道而

變盈紀天性於幽隧銘曰

惟嶽降神冠軍當仁忠孝是佩清白為隣昌其榮也

社稷貴臣曷其哀也朝市悲人生可續子孰不萬春死可贖子孰不百

身生不可續死不可贖庶考古今誰免風燭人閱代子代閱人條子忽

子一丘塵舟移壑子聲移舟蕭子索子九庫秋意氣盡子萬事罷泉門

附子九重幽悲夫悲夫空默默魂子魂子何悠悠

